

Merr konns aach iwwerdreiw

Om letzde Dinsdaach owend sinn merr e bisje spät hoomkumme unn hawwe geseh, dass ooner uff de Oorufbeantworter geschwätzt hott. Ess war de Schorsch unn der hott gefroocht ob ich enn emol zurickrufe kennt. Weils awwer schunn halb elf war, habb ich erst om Mittwoch so geeche halb zeh oogerufe. Dess Kättche war om Apperat unn hott merr gesacht, ich soll enn Aacheblick wadde, sie misst de Schorsch erst holle, weil der det noch im Bett leie.

Als e bisje später de Schorsch ins Telefon gegähnt hott, habb ich enn gefroocht was dess soll, um halb zeh noch im Bett ze leie.

Doo hott de Schorsch gemurmelt: Dess mach ich weeche dem Energiesparn.

So, habb ich gesaacht, Energiesparn nennsde dess - frieher hott merr dess Faulheit genennt.

Werklich Energiesparn, rieht druff de Schorsch in die Muschel, weil dess Kättche steit moins um korz vor acht Uhr uff, unn weilse dann schunn dauernd doorum rennt, drehtse die Heizung noch nit voll uff. Wenn ich dann aach uffsteie det, doo det ich friern, also misst ich die Heizung uffdrehe unns Kättche det schenne. Also bleib ich leie bis halb zeh, unn wenn ich dann uffsteie due, dann erst drehe merr die Heizung uff. Also, wenn ich im warme Bett bleiwe, dann sparn merr Energie.

Spart ihr aach sunnst noch Energie?, habb ich enn gefroocht.

Ei ja, moont de Schorsch, wenn merr uns middaachs nooch em Esse ferr e onnerhalb Stund hieleeche, decke merr uns mett de Koldern zu unn drehe aach die Heizung e bisje erunner. Unn weil merr owends um zeh ins Bett gehe, mache merr ab neun Uhr die Heizung aus.

No ja, habb ich gesacht, merr konns aach iwwerdreiw, moonsde nit? Was macht derr dann mett dem gesparte Geld?

Doo gibt de Schorsch zur Antwort: Gespart Geld kann merr immer gebrauche. Saach emol, Honnes, warum hosden eichtlich oogerufe?

Ei Schorsch, saach ich, du wollst doch zurickgerufe werrn. Ich waaß nit wasde willst.

Dem Schorsch isses dann oigefalle: Ah ja. Honnes, ich wollt derr dess vom Energiesparn erzähle. Ich mach dess schunn richdisch. Weil ich habb gesdern in de Bildzeidung gelese, dass mir Alde nit nor de Junge vormache solle, wie merr Benzin unn Öl spart, naa, aach – wie hawwe die geschriwwe? - Humanenergie, also unser Arweitskraft solle merr so vill wie möchlich widder oisetze. Ich moon, sowas det dir aach nit schade.

Dess, habb ich gesacht, iss prima, Schorsch. Was hälsden de-foo, wennde merr helfe dest schunn heit doodemett oozefonge?.

Oh ja, hott de Schorsch getönt, unn wie mache merr dess?

Ich habb ins Telefon gegrinst: Ich habb doo was, doo kennte merr die Theorie in die Praxis umsetze. De Pladdeleecher hot uns doch außem Bad die Plättcher erausgerisse unn hottse im Hof uffgesetzt. Die misse uff die Deponie unn deshalb habb ich se uff moim Nochber soin Oohänger gelade. Ich kennt den joo on moim Sohn soi Audo hänge, awwer mir wolle joo Sprit sparn unn Humanenergie oisetze. Also mach ich derr enn Vorschlaach: Mir zwaa schiewe de Karrn de Wickerer Bersch enuff. Hinner Wicker rollder joo von selbst ins Loch ennunner, awwer dann gehts nochemol e schee Stick nooch owwe. Wolle mir zwaa dess mache?

Eiern Honnes